

دردنچی یدنده اثبات ایدہ چک سسنداتی قالدیغنی حالده
مذکور مظلوم باتیمک حسابی اساسز واغاده سی یکدیگر بنه
مباین ودعواسی نوم التدارک و واهی اولدیغنه
دلالت ایلدیکی

بشنجی دفترمک ایرتسی مجلسده ابرازینه مساعدده اولدیغندن
فلبه تجارت مجلسی حکمه بک عجله ایلدیکی اشکار بولندیغنی

التنجی تجارت نظامنامه سنک اوتوزالتنجی بندینک احکامی
اوزره هرکس دعواسنی اثباته مجبور اولوب تاجر مرقوم
ایسه برشی اثبات ایتدیکی حالده فلبه تجارت محکمه سی
مرقومک دعواسنی مقارن صحت اولدیغنه دائره کونه
کسب امنیت ایلدیکی کلاشیله مامقده اولدیغندن
نظامنامه مذکورنک التمش سکرنجی بندینه مغائر اوله رق
حکم ایلدیکندن اعلامنک فسحنی

یدنچی بروجہ استدعا مرقوم تاجرہ شوقدر بیک غروش
دینم اولدیغندن ماعداً ابراز ایلدیکم سندات ومحاسبه
موجبجه کندوسندن شوقدر بیک غرشدن تجاوز
مطلوب بولندیغندن دعوانک یکیدن رؤیتله مع مصارف
علیهنه حکم ویرلسی استدعا سنده بولندیغنی بیانیه لایحه
عاجزانه م تقدیم قلندی